

ԼՈՒՐԵՐ ԳԵՐՄԱՆԱՀԱՅՈՑ ԹԵՄԻՑ

Փետրվարի 7-ին Նյուսիսային Գերմանիայի հոգևոր հովիվ Ս. Սերովբե վարդապետ Իսախանյանը Գերմանիայի Հանովեր քաղաքում գրավող Ուղղափառ Եկեղեցիների Կենտրոնում բանախոսեց «Հայոց Եկեղեցին. 1700-ամյա անցյալն ու այսօրը» թեմայով: Բանախոսությանը ներկա էին Ուղղափառ և Կաթոլիկ Եկեղեցիների շուրջ 30 հոգևորականներ: Հանդիպումը կազմակերպվել էր Կաթոլիկ Եկեղեցու Կոնգրեսի առաջնորդարանի Արևելյան Եկեղեցիների հետ համագործակցության բաժնի պարասխանախոսի հոգևորական, դոկտոր Նիկոլաուս Վիրվոլի կողմից:

Հավաքության ընթացքում ներկաները դիտել են նաև Փաուլ Իմոֆի վերջերս նկարահանած «Արարաբի հովանու ներքո. Հայաստան քրիստոնյա կղզի իսլամական աշխարհում» մեկժամանոց ֆիլմը:

Վերջում ներկայացվեց Մայր Աթոռի արարաքին հարաբերությունների բաժնի վարիչ Եզնիկ եպիսկոպոս Պետրոսյանի «Հայ Առաքելական Եկեղեցին» գործի գերմաներեն թարգմանությունը, որն արդեն պատրաստ է հրատարակության:

Փետրվարի 10-ին, Բուն Բարեկենդանին, Ս. Պարարագից հետո, Բեռլինի Հայ տանը տեղի ունեցավ հայկական ավանդական երաժշտական գործիքների ցուցահանդես: Տեղի հայ համայնքի անդամներից Պետրոս Տիգիշյանը հանգամանակից բանախոսությամբ ներկայացրեց շուրջ մեկ տասնյակ հայկական երաժշտական գործիքներ՝ դիոլ, շվի, դուդուկ, սազ, պարկապզուկ, քամանչա, քանոն, թառ և այլն: Ցուցադրությունը ուղեկցվում էր այս գործիքներով երաժշտական կատարումներով:

Հանդիսությանը ներկա էր և գնահատանքի խոսք ասաց Բեռլինի հայ համայնքի հոգևոր հովիվ Ս. Սերովբե վրդ. Իսախանյանը:

Հայ տանը նախապեսված էր նաև համանման ցուցադրություն կազմակերպել՝ նվիրված հայկական տարագին:

Այս տարի բեռլինահայ համայնքում, եկեղեցում Արևագալի ու հսկման արարողություններին զուգահեռ, Հայ տան մեջ, ամեն ուրբաթ երեկոյան, կազմակերպվեցին միասնական ընթրիքներ, իսկ կիրակի առավոտյան՝ միասնական նախաճաշ, որից հետո հայերեն և գերմաներեն ընթերցվում էր օրվա Ավետարանը, ապա համայնքի հոգևոր հովիվ Սերովբե վարդապետը ներկայացնում էր Մեծի Պառհոց տվյալ կիրակիի հոգևոր խորհուրդը և ավետարանական պատգամը:

Փետրվարի 24-ին, Գերմանիայի հայոց առաջնորդարանի մշակութային հանձնախմբի նախաձեռնությամբ, Զյուլնի Մայր եկեղեցու համայնքային սրահում տեղի ունեցավ Նոր Զուղայի հայկական եկեղեցիներին նվիրված լուսապատկերների (սլայդների) ցուցադրություն: Օրվա բանախոսն էր Արմեն Հախնազարյանը:

Այս միջոցառմանը Տ. Գարեգին արքեպս. Բեկչյանի նախագահությամբ ներկա էին մեծ թվով հայեր և գերմանացիներ:

Մարտի 3-ին Բեռլինի հայոց համայնքի անդամական ընդհանուր ժողովում ընտրվեց համայնքային նոր վարչություն՝ ավետապետությամբ Պետրոս Տիբիճյանի և փոխավետապետությամբ Սարգիս Զեյֆիյանի:

Մարտի 6-7-ը Առաջնորդարանում, թեմակալ առաջնորդի հրավերով, տեղի ունեցավ Գերմանիայի հայոց թեմի հոգևորականների հերթական ժողովը, որում քննարկվեցին թեմին վերաբերող խնդիրներն ու առաջնային լուծում պահանջող հարցերը: Կրոնական ժողովի մասնակիցներն առաջնորդանիստ Ս. Սահակ-Ս. Մեսրոպ եկեղեցում, մարտի 6-ին, չորեքշաբթի երեկոյան, միասնաբար կատարեցին հսկումի արարողություն:

Մարտի 10-ին Զյուլի Ս. Սահակ-Ս. Մեսրոպ առաջնորդանիստ Մայր եկեղեցում տեղի ունեցավ Հայաստանի Ֆիլիարմոնիկ նվագախմբի ղեկավար Հովարդ Թոփչյանի գլխավորած խմբի համերգը, որի ընթացքում փարբեր հաղվածներ կատարվեցին հայ և արևմտաեվրոպական դասական երաժշտությունից:

Մարտի 16-ին Գերմանիայի հայոց թեմի առաջնորդարան այցելեց Գերմանիայում Հայաստանի Հանրապետության նորանշանակ դեսպան Կարինե Ղազինյանը:

Երեկոյան դեսպանուհին թեմակալ առաջնորդի հետ ներկա գտնվեց Գերմանահայոց կենտրոնական խորհրդի նախաձեռնած հիմնադրամի հանդեսին:

Հանդիսության ընթացքում ընթերցվեց Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի ողջույնի և օրհնության գիրը հիմնադրամի ստեղծման առիթով: Հանդիսությունը եզրափակվեց գեղարվեստական կատարումներով:

ԸՍՏ ԳԵՐՄԱՆԱՎՅՈՑ ԹԵՄԻ ԱՌԱՋՆՈՐԴԱՐԱՆԻ ԴԻՎԱՆԻ